

溫縣志

書

溫縣志卷之五

天文志

天垂象見吉凶周官有馮相保章職掌天文而保章氏主天文之變九土各有分星以察祲祥溫於九州若黑子之著面亦高在上精曜之所照臨也天人理合人事動於下天象變於上則災祥之感召有自矣

星野

星纏室壁之分室壁在亥衛分野唐天文志營室東壁姬訾也初危十二度二千九百二十六抄一太中營室十二度終奎一度自王屋太行而東得漢河南至北紀之東隅北負漳鄴又自河濟之交涉滎波濱濟水東得邯鄲衛凡邢邳雍共微南燕豕常昆吾之國自閣道王良至東壁在豕常為上流常河內及漳鄴

溫縣志

卷之五

之南得山河之會為離宮又循河濟而東接元枴為營室之分

禹貢冀州覃懷之地天文室壁分野溫在冀州宜隸室壁春秋後又為衛地史記衛地營室東壁之分溫屬室壁無疑矣

室宿之屬為離宮為土工吏為騰蛇為雷電為壁壘陣為羽林軍

為斧鉞為北落門為天綱為八魁室二星上下相直計十六度主三軍廩食及土工之事其

下九尺為日月五星中道木犯室之陰主水犯陽主旱水犯室其下有水災民大饑客星出室人饑疫彗星出室大水

壁宿之屬為雲雨為霹靂為天廡為鐵鎖二星相直頗近計九度主文章圖書之府亦主

土工之事其下九尺為日月五星中道星明則君子進小人退道術行圖書集土犯壁萬物不成人多病金犯壁文士多病客星犯同○以上參舊志及通志

春秋緯文耀鉤以北斗七星主九州曰太行以東至碣石王屋底

一柱冀州屬樞星溫於北斗屬第一樞星

論語摘輔象以九州繫於三台曰冀州屬錯錯謂中台之下下台之上也溫冀州地於三台之分野屬錯

史記天宮書歲星熒惑填星太白辰星爲五星於辰星曰北方水星經曰辰星主恒山冀州幽州并州温於五星之分野屬辰星

以上參  
新鄉志  
灾祥

漢宣帝地節四年九月大水

桓帝延熹九年夏四月河水清

晋武帝太康五年五月隕石於温二

太康六年隕石於温二

唐德宗貞元四年自陝至温河水盡黑

宋太宗太平興國二年河溢壞堤七十餘步

真宗大中祥符三年九月河溢

元世祖至元九年九月滙雨河水溢圯田廬害稼

温縣志

卷之五

天文

二十四年風雹害稼

仁宗延祐元年饑地震

順帝至元十九年蝗食禾稼草木俱盡所至蔽日填坑斬土皆盈

饑民捕以爲食或曝乾而積之

明太祖洪武二年正月丙申夜太陰犯房熒惑入斗

憲宗成化十七年大旱田種無收

十八年大水人畜漂没

十九年蝗蝻生食禾稼殆盡

二十年大荒人相食蠲免錢糧遣官賑濟

世宗嘉靖十有八年吳郡村民吳隆家犍牛產麒麟鄭玉疏奏改

名麒麟村

三十有四年地震

四十有五年冬大雪二十餘日民有凍死者  
神宗萬歷五年正月至夏四月不雨井泉多涸  
十有五年地震有聲

十有六年大旱瘟疫盛行人多死  
莊愍帝崇禎一十有一年蝗

十有二年蝗蝻徧野踰城垣入人戶宇

十有三年大旱人相食

十有四年大疫尸橫道路

十有七年春正月朔大雨雪震電

國朝

祖 順治元年黃河北塌二十餘里一帶村落俱沒

六年有鳥人面鳥身集於南張菴村任姓家是年大水

溫縣志

卷之五

天文

三

八年南城奎星樓夜放光照耀數里

十有七年五里院民張仁家牛產雙頭犢時天久旱縣令李若虞  
焚於南門外越二日大雨霑足

祖 康熙七年夏六月地震大雨亦

十有三年春正月雨水

十有八年冬黃河自孟至溫及祥符以下凍堅往來行人皆履冰  
上

十有九年秋霪雨八月十五日至九月十二日田禾盡朽

二十有九年春大旱久陰狂飈夏四月無風雨麥盡枯奉

旨蠲免錢糧十分之一

三十有三年秋八月隕霜殺蕎麥

三十有四年夏四月初六日戌時地震墻屋間有傾頽者

四十有七年春大旱麥禾俱焦

六十一年大旱麥秋盡枯民逃死無數奉

旨錢糧五年帶徵

六十一年冬十月地聞雷鳴

宗正雍正元年復大旱秋飛蝗蔽天食禾殆盡

四年十有二月黃河清三日

今上乾隆三年秋蝗蝻生冬十有一月地震

五年十有二月除夕雷震

六年七月暴風大樹拔折

八年春大旱麥禾枯秋亦歉收奉

旨蠲免錢糧四千四百四十兩有奇

十有一月彗星見二月乃滅

溫縣志

卷之五

天文

四

九年大有

十六年六月二十五日大雨霖平地水深數尺河溢漂圯田廬無數

二十三年自六月後無雨種不入土

聖王不貴祥瑞春秋二百四十二年螟螽必書雨冰雷電必書誠以修政補救非可漫視也枯桑之枯兆自修德熒惑之退本於善言人可回天顧不信歟

舊志

